

Gievgia, ils 21 da favrer 2019

Confruntar, reunir

La scola Ilanz/Glion prepara la fiasta dils 21 da zercladur

■ (anr/abc) Ils 21 e 22 da zercladur dat ei grondas manifestaziuns a Glion. In comite dalla scola ha presentau il program da siu gi da project. Il motto digl onn da scola 2018/19 dalla scola Ilanz/Glion ei «Reuniun – s'entupar e festivar da cuminonza». Il punct culminont da quei ei

ils 21 da zercladur 2019. In'jama avon ch'igl onn da scola fineschi dat ei ina gronda manifestaziun. Quella ha connex culla fiasta che la vischnaunca organischa per concluder il giubileum «500 onns Reformaziun». La scola separticipescha cun in agen gi da project. Vendergis, ils 21 da

zercladur s'entaupan e s'uneschon ils varga 500 scolaras e scolaras dad Ilanz/Glion che derivan da 22 naziuns. Finamira eis ei d'emprender d'enconuscher casas e loghens da scola, mo era vitgs indigens e culturas jastras.

➤ PAGINA 5



Il menader dalla gruppa, Marc Pfister, cun dus commembers: Susanne Scharf e Jürg Marguth.

FOTO A. BEELI

Preparativas per la «Reuniun»

Ils 21 da zercladur 2019 dat ei fiasta gronda dallas scolas dad Illanz/Glion


■ (anr/abc) «Reuniun – s'entupar e festivar da cuminonza» – quei ei il motto d'in grond gi da project che la scola dalla vischnaunca Illanz/Glion prepara per vendergis, ils 21 da zercladur. Igl ei la contribuziun dallas scolas per la fiasta finala «500 onns Reformaziun» a Glion. L'jamna vargada e questa ei la gruppa da lavur sin turnea els loghens da scola. Il menader dalla gruppa preparativa Marc Pfister ed ils commembers Nina Casanova, Susanne Scharf, Jürg Marguth e Jan-Andrea Bernhard ein stai a Rueun, Ruschein, Duin e Castrisch. Margis sera ha quei comite in-formau la populaziun da Glion.

L'aula dalla casa da scola ei buca stada plena. Entuorn 20 persunas, cunzun geniturs d'affons da scola, han tuttaudau suatientscha agl invit. Ins ha entudau giueud dalla Svizra, dalla Tschechia, Afghanistan, Tiaratudesta, Portugal ed Albania. Ils participonts han representau la multifariadad dalla scola communal dad Illanz/Glion.

Finamira dalla sera ei stau d'informar tgei che las scolas preparan ils 21 da zercladur 2019. Il gi avon la gronda fiasta populara dalla vischnaunca organischa la scola Illanz/Glion in'atgna contribuziun cul tetel «Reuniun – s'entupar e festivar da cuminonza». En siu beinvegni ha Pfister resumau suandontamein il gi da project: «Las scolaras ed ils scolars duen haver la pusseivladad d'em-prender d'enconuscher las atgnads dils singuls loghens da scola e dallas fracziuns.»

Classes semischeiden
Pfister ha menziunau in'atgnadad dalla scola dalla vischnaunca Illanz/Glion, ina ch'ei dat negliu auter en Surselva. En tut frequentan 501 affons da 22 nazziuns tschun differents loghens da scola. Dils 501 affons ein 145 el scalem superieur, 252 en scola primara e 105 en scoletta. Finamira dil gi da project dils 21 da zercladur 2019 dueigi esser da sebrattar, d'em-prender d'enconuscher auters loghens da scola, vesser e capir las atgnads da mintga menaschi. Per saver porscher in program variant ed attractiv enquera il comite la collaboraziun cun persunas ordeifer il menaschi. Il vendergis avon-miezgi vegnan ils affons ed era il persunal d'instrucziun reparti sils tschun loghens d'instrucziun. Las classes semischeiden, tochen 30 affons frequentan las lezziuns cun program special en mintga stanza da scola.

Ei drova ina pulita organizaziun logistica da reparter els denter Castrisch, Rueun, Ruschein, Glion e Duin. Da principi dueigi il gi promover il spert da cuminonza tenor il motto «501 affons – ina scola». Ina gronda gruppa dils affons che derivan dilg exterior ei actualmein quella dil Portugal. En tut frequentan 49 Portughes la scola dad Illanz/Glion. Duas mummas ein immediatamein sedecardas prontas da collaborar ils 21 da zercladur. Sco ins ha udiu alla fin dalla sera ein era ulteriurs geniturs e participonts motivai da segidar cun ina contribuziun. Las lezziuns ein concentradas cun presentaziuns dallas diversas culturas. Ei dat



Il project «Reuniun – s'entupar e festivar da cuminonza» ei giustificaus, pertgei la scola dalla vischnaunca Illanz/Glion ei complexa: 501 affons da 13 fracziuns e 22 nazziuns frequentan en tschun loghens ils treis scalems dalla scola populara. GRAFICA SCOLA GLION

tut, naven dallas atgnads tipicas sursilvanas da Duin tochen Schnaus, Siat ni Castrisch, tochen tier lungatg, scartira, spisas e musica dalla Hollanda, Persia, Italia, Portugal, Palestina, Spagna ni ulteriuras.

Ei po esser interessant per tots da confruntar e cumparegliar cultura indigena e cultura jastira. Per exempel san ils affons frequentar in mini-cuors da lungatg, els survegnan ina cuorta introducziun en giugs, tradiziuns, praulas, cuschina ni autras atgnads.

Manifestaziun finala

L'instrucziun finescha en tots tschun loghens da scola cun in gentar communal. Ellas scolas primaras cuntinuescha il program lu ed era il scalem superieur s'occupa vinavon culs luvratoris eligi. Allas 16.00 serimman lu tots varga 500 affons ed 80 scolaras e scolasts a Glion. Leu dat ei in act festiv ed ina manifestaziun finala. El center vegn l'exposiziun «finiastiras al mund» ad esser. L'exposiziun cun stans da fieta duegi sedrizar ad affons, ella ha gi negin connex culla fiasta dallas fracziuns dil gi suandont, ha Pfister puntuau alla fin dall'orientaziun. Las scolas dad Illanz/Glion envidan la populaziun da collaborar e da visitar quella gronda manifestaziun dils 21 da zercladur 2019.

Dapli informaziuns dil project «Reuniun – s'entupar e festivar da cuminonza» dat ei ella pagina d'internet dalla scola, www.schule-illanz.ch. Suenter il clic ella pagina principala san ins elegier denter versiun tudestga ni romontscha.